

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Nga Al-Kaida te “ujqit e vetmuar” dhe IA: Si ndryshoi terrorizmi pas 11 Shtatorit?
ADRESA	https://www.gazetatema.net/bota/nga-al-kaida-te-ujqit-e-vetmuar-dhe-ia-si-ndryshoi-terrorizmi-pas-11-shtato-i585303
BURIMI	gazetatema.net
GJENDJA	online

KOHA


KAPUR NGA NE	11 shtator 2026, 06:33:25 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	11 shtator 2026, 07:15:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	7ed4ee9733da2bde9d024e641209fb8d646bd941aad7666800d5bcab9e0babb6
TEKSTI	9cfe6fbcf44f2de125b7ba9eed546948d286fb0dccc3616eeecb9c6b1cc07aa0
PAMJA	5035b8763c105139c3c6efbb8a0dfb2d518e7f292ebb691f91c3e34b606d6bae

ZINXHIRI I PROVËS

KJO HYRJE	12a11afe7db4a16127ea3f82cfe019a59096ae634d4339fe56c3e2995f8aef15
E MËPARSHMJA	—
RRËNJA MERKLE	—
ANKORIMI	nuk është ankoruar ende <i>Kjo hyrje nuk është përfshirë ende në asnjë pemë Merkle të dërguar. Zinxhiri i hash-eve provon rendin dhe integritetin; koha jo.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahajo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/12a11afe7db4a16127ea3f82cfe019a59096ae634d4339fe56c3e2995f8aef15>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored · dritarja 1280×1024 px

- [Politika](#)
- [Sociale](#)
- [Kronika](#)
- [Ekonomia](#)
- [Editorial](#)
- [Antena](#)
- [Blog](#)
- [Rajoni](#)
- [Bota](#)
- [Kulturë](#)
- [Sport](#)
- [Lifestyle](#)

English

Built and Monetized by
[Kontakt](#)

English

1e Dy reparte ushtarake marrin 2/1 mln euro investime kete vit. 3/% te buxhetit te mbrojtjesKosove/ Pas zgjedhjes se Albulena Haxhiut, Kuvendi mblidhet sot per nenkrvetares11 Shtatori, 25 vjet n fundit

Nga Al-Kaida te “ujqit e vetmuar” dhe IA: Si ndryshoi terrorizmi pas 11 Shtatorit?

11 Shtator 2026, 09:15Bota TEMA



Nga Al-Kaida te “ujqit e vetmuar” dhe IA: Si ndryshoi terrorizmi pas

Farhad N. ishte vetëm disa muajsh kur, më 11 shtator 2001, terroristët e Al-Kaidës rrëmbyen avionë pasagjerësh dhe i përplasën dy prej tyre në kullat binjake të Qendrës Botërore të Tregtisë në Nju Jork.

Sulmet në Shtetet e Bashkuara vranë mijëra njerëz.

Njëzet e pesë vjet më vonë, ai u dënua me burgim të përjetshëm pasi përplasi një veturë Mini Cooper për një turmë njerëzish në Mynih, duke vrarë dy persona dhe plagosur dhjetëra të tjerë.

Historia e 25-vjeçarit afgan tregon se sa shumë ka ndryshuar kërcënimi terrorist që nga 11 Shtatori, e bashkë me të edhe mënyra se si luftohet terrorizmi.

Sulmet e 11 Shtatorit u planifikuan nga Al-Kaida - grup i udhëhequr nga milioneri saudit, Osama bin Laden, dhe i strehuar nga regjimi taliban në Afganistan.

Talibanët u rrëzuan më pas nga pushteti.

Farhad N., mbiemri i të cilit u shkurtua në përputhje me rregullat gjermane për privatësinë, u rrit në një Afganistan ku forcat ndërkombëtare të udhëhequra nga SHBA-ja luftuan për 20 vjet kundër talibanëve.

Më vonë, ai ishte në mesin e qindra mijëra afganëve që u larguan nga vendi, në kërkim të paqes dhe një jete më të mirë në Evropë.

Por, atje u radikalizua nga propaganda në internet, e publikuar nga imamë në vendlindjen e tij.

Ai nuk kishte lidhje me ndonjë grup të caktuar dhe, sipas të dhënave, duket se veproi tërësisht me iniciativën e tij.

“Dikur do t’i quanim aktorë të vetmuar apo ‘ujq të vetmuar’. Kjo është e ardhmja”, thotë për Radion Evropa e Lirë një ish-diplomat amerikan me dekada përvojë në luftën kundër terrorizmit.

“Askush nuk ka më nevojë të jetë pjesë e një grupi... Mund të frymëzohet nga një grup, mund të frymëzohet nga disa grupe”, thotë ish-diplomati, i cili kërkon të mbetet anonim.

Sipas tij, përparimet në inteligjencën artificiale po e përshpejtojnë edhe më shumë këtë ndryshim në natyrën e kërcënimeve terroriste.

REL-i bisedoi me disa ekspertë për mënyrën se si teknologjitë që nuk ekzistonin 25 vjet më parë - përfshirë dronët, inteligjencën artificiale dhe mediat sociale - janë duke krijuar një mjedis krejtësisht të ri dhe më të rrezikshëm.

“Po shohim një prani shumë më të madhe në internet. Po shohim përdorim shumë më të madh të influencuesve... Përveç aktorëve tradicionalë që jemi mësuar t’i shohim në skenën terroriste, tani kemi edhe individë që veprojnë vetëm, të ndikuar nga të tjerët”, thotë për Radion Evropa e Lirë gjenerali amerikan në pension, Joseph Votel.

Votel udhëhoqi një sulm me parashutistë të forcave amerikane kundër pozicioneve talibane në Kandahar, në tetor të vitit 2001 - vetëm disa javë pas sulmeve të 11 Shtatorit në Nju Jork dhe Uashington.

Më pas, ai luajti rol të rëndësishëm në atë që u quajt “Lufta kundër Terrorit”, duke shërbyer edhe në Irak dhe duke komanduar operacione kundër militantëve të Shtetit Islamik (IS).

“Kjo çfarëdo qendrimi ka në mbledhjen e kësaj qendrimi të shprehur në kësaj mundësi të kësaj kërkimi të kësaj kërkimi” thotë ai

Këto organizata terroriste kanë mbijetuar, ato kanë vazhduar të përbijojnë sa kanë mundur... janë vetë një të shprehura, thotë ai.

“Mjedisi është shumë më kompleks tani për ekspertët e sigurisë”, thekson Votel.

“Terroristët e vjetër”

Historia e Al-Kaidës pas 11 Shtatorit është edhe histori e degëve të saj në pjesë të ndryshme të botës.

Grupe si Al-Shabaab në Somali dhe Jama'at Nusrat al-Islam wal-Muslimin (JNIM) në rajonin e Sahelit, në Afrikën Perëndimore, u lidhën me Al-Kaidën, duke ndërthurur synimet e tyre lokale me ambiciet e saj për sulme në nivel global.

Kjo strukturë e decentralizuar i mundësoi Al-Kaidës të mbijetonte, edhe pasi forcat amerikane goditën rëndë udhëheqjen e saj dhe i shkatërruan strehët e sigurta në Afganistan, në muajt pas 11 Shtatorit.

Strategjia e re amerikane kundër terrorizmit, e publikuar në maj, e vendos Al-Kaidën dhe “degën e saj më agresive, Al-Kaidën në Gadishullin Arabik (AQAP)”, në krye të listës së atyre që i quan “terroristë islamistë të trashëguar”.

Një raport i Kombeve të Bashkuara, i publikuar muajin e kaluar, e përshkroi AQAP-in si “pararojën” e lëvizjes globale të Al-Kaidës.

Studimet e viteve të fundit kanë treguar se degët e Al-Kaidës bashkëpunojnë në financim dhe trajnim.

Për shembull, monitoruesit e OKB-së raportuan vitin e kaluar për një pagesë të vetme prej 50 milionë dollarësh si shpërblim për JNIM-in, një pjesë e të cilit u nda me AQIM-in - Al-Kaidën në Magrebin Islamik - AQAP-in në Jemen dhe “udhëheqjen e lartë të Al-Kaidës në Azinë Jugore”.

Këto grupe po e shtojnë, gjithashtu, propagandën në internet.

“Propaganda e Al-Kaidës në Jemen u rrit jashtëzakonisht pas tërheqjes nga Afganistani dhe ka vazhduar deri më sot. Ata kanë publikuar më shumë sesa kam publikuar unë gjatë dy vjetëve të fundit”, thotë për Radion Evropa e Lirë Sara Harmouch, eksperte e terrorizmit dhe bashkëpunëtoresh në Institutin Frontier Security dhe në Programin për Ekstremizmin në Universitetin George Washington.

“Vetëm disa muaj më parë, Al-Kaida në Jemen publikoi deklarata dhe video që nxisin sulme nga ‘ujq të vetmuar’, duke u bërë thirrje individëve në Perëndim të kryenin sulme në territorin e SHBA-së dhe në Evropë”, thotë ajo.

“Po fluturojmë verbërisht?”

Në këtë mjedis që ndryshon me shpejtësi, shfaqet edhe një problem tjetër: dobësimi i kapaciteteve për luftimin e terrorizmit.

“Po fluturojmë verbërisht. Gjatë një viti e gjysmë të fundit... kemi humbur njerëz dhe kemi humbur fonde”, thotë ish-diplomati amerikan, duke shtuar se situata aktuale gjeopolitike e ka bërë sfidën edhe më të madhe.

“Për momentin, jemi disi në syrin e stuhisë, mes pasojave të 7 tetorit [sulmit të udhëhequr nga Hamasi kundër Izraelit, më 2023] dhe luftës së vazhdueshme me Iranin”, thotë ai.

“Kemi humbur shumë njerëz të zotë, që kishin përvojë nga terreni dhe njohuri institucionale”, shton ish-diplomati.

Shqetësime të ngjashme ngritën edhe ekspertët të tjerë të njohur të luftës kundër terrorizmit gjatë një diskutimi online të Universitetit George Washington, më 2 shtator.

Tom Sanderson, nga Qendra për Studime Strategjike dhe Ndërkombëtare (CSIS), foli për “zvogëlim të vëmendjes ndaj terrorizmit, të buxheteve dhe të personelit”, ndërsa Bruce Hoffman, nga Këshilli për Marrëdhënie me Jashtë (CFR), foli për një “largim masiv” të stafit nga zyra për luftën kundër terrorizmit e Departamentit amerikan të Shtetit, e cila u ristrukturua vitin e kaluar.

Shtëpia e Bardhë dhe Departamenti amerikan i Shtetit nuk iu përgjigjën kërkesave për koment lidhur me çështjet e ngritura në këtë artikull.

Financimi për luftën kundër terrorizmit nisi të zvogëlohej pas një rishikimi në vitin 2018, ndërsa këto shkurtime janë përsheptuar që nga viti 2025.

Strategjia amerikane kundër terrorizmit thotë se “Komuniteti i Inteligjencës nuk i ka shërbyer mirë vendit tonë, pasi ka mbetur i ngërthyer në mënyra të vjetra të vlerësimit të kërcënimeve”.

Jonathan Schroden, drejtues i kërkimeve në CNA, një tjetër institut me seli në Uashington, thotë për Radion Evropa e Lirë se, viteve të fundit, ka ndodhur një ndryshim i rëndësishëm në politikën amerikane.

“Synimet tona kanë ndryshuar: nga mposhtja e plotë e këtyre grupeve, te menaxhimi efektiv i kërcënimit që ato paraqesin... duke e mbajtur atë larg territorit të Shteteve të Bashkuara”, thotë ai.

“Mendoj se struktura që SHBA-ja ka tani, ka qenë - në masë të madhe - efektive në arritjen e këtij qëllimi, gjatë pesë apo shtatë vjetëve të fundit”, përfundon Schroden./ [REL](#)

Koment *

Emër *

POSTOJE KOMENTIN

[11 Shtatori, 25 vjet nga sulmet terroriste në SHBA që ndryshuan botën](#)

08:05 Bota

[Alarm për kërcënim në konsullatën e Ukrainës në Dyseldorf, policia kontrollon ndërtesën](#)

07:54 Bota

[Shefi i NATO-s: Rusia është kërcënim afatgjatë, Evropa duhet të forcojë mbrojtjen](#)

07:47 Bota

[Tërmet i fortë në Liban, pasi Izraeli përdori mbi 1 mijë ton eksploziv për tunelet e Hezbollahut](#)

07:34 Bota

[Trump "korrigjon" veten: Lufta me Iranin mund të përfundojë para zgjedhjeve të mesmandatit](#)

22:55 Bota

[Funerali shtetëror për Mladićin, Marta Kos: Serbia duhet të përballët me të kaluarën! Raporti i shtatorit do të peshojë të ardhmen e saj europiane](#)

22:45 Bota

[Spionazh dhe sabotazh/ 31-vjeçari britanik akuzohet se i kaloi Ruisë të dhëna për fabrikat e dronëve](#)

22:15 Bota

[Sulm me thikë në Londër, katër persona plagosen në një përleshje në rrugë](#)

20:55 Bota / 3 komente

[Bie zjarr në një anije në Kinë, 20 viktime](#)

20:35 Bota / 1 koment

[Presidenti i Mongolisë habit ushtarët! 58-vjeçari ngre 100 kg peshë, pamjet bëhen virale](#)

19:55 Bota / 4 komente

Më të lexuarat

24 orët e fundit

Javën e fundit

[“Berisha gënjeu demokratët” - Bejko: Nuk ka më të drejtën...](#)

09:45 Politika / 16 komente

[Plas në PD, Çim Peka sulmon Belind Këlliçin: Ky idioti po...](#)

15:45 Politika / 20 komente

[EKSKLUZIVE/ MUHAMED HALILI: Ju rrëfej “afërën e armëve” m...](#)

15:30 Dossier / 7 komente

[Gjyqtarët kallëzojnë në SPAK ministrin e Financave, reago...](#)

13:04 Politika / 49 komente

[‘Kallëzim se po zbatoj ligjin’, ministri Malaj publikon p...](#)

19:05 Politika / 39 komente

Blog Tema

[Një telash më shumë për Partinë Demokratike](#)

19:10 Blog / 10 komente

[Kur protesta nuk shqetëson pushtetin, por merr peng qytetarin](#)

18:28 Blog / 15 komente

[Sikur Lana të mbyste bulevardin me baltë](#)

17:05 Blog / 7 komente

Lajme ekskluzive!

Nëse doni të jeni i pari për t'u informuar mbi lajme ekskluzive, regjistrohuni më poshtë.

Numri juaj i telefonit

Ju mund të ç'regjistroheni në çdo moment.

 Powered by Tomorrow.io


Tema është një gazetë e përditshme e palidhur politikisht e botuar në Tiranë, Shqipëri në gjuhën shqipe. E themeluar në korrik 1999, Tema është një nga gazetat ditore më të vjetra në Shqipëri dhe aktualisht shet rreth 15,000 kopje ditore në mbarë vendin.



Built and Monetized by

- [Politika](#)
- [Kronika](#)
- [Editorial](#)
- [Blog](#)
- [Bota](#)
- [Sport](#)
- [Shëndeti](#)
- [Turizëm](#)
- [Sociale](#)
- [Ekonomia](#)
- [Antena](#)
- [Rajoni](#)
- [Kulturë](#)
- [Lifestyle](#)
- [Dossier](#)
- [Hi-Tech](#)
- [Kontakt](#)
- [Te dhënat personale](#)
- [Cookies](#)

Built and Monetized by



Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.